

大明御製天尊詞曲

玄天上帝詞曲

弘利益之曲

敬頂禮玄天上帝金闕化身蕩魔天尊大天尊大聖帝大聖帝大聖帝感神明都只在至誠心天尊大聖天尊

又

大天尊混元六天傳法教主修真悟道濟度群迷普惠三界一切眾生普惠三界一切眾生大天尊消除災障人人感恩也大聖天尊感神明都只在至誠心天尊大聖天尊

又

大天尊八十二化顯靈助三教之祖師大慈大悲救苦又救難大天尊三元都總管九天遊奕使也大聖天尊感神明都只在至誠心天尊大聖天尊

又

大天尊左天罡北極右垣大將軍仰荷鎮天助順真武靈應弘展神通福德衍慶瑞仁慈正烈同大天尊端的是那協運具君也大聖

天尊感神明都只在至誠心天尊大聖天尊

又

大天尊普四海都道是治世福神大天尊普四海都道是治世福神大天尊端的是至虛師相妙顯靈應也大聖天尊感神明都只在至誠心天尊大聖天尊

又

大天尊玄天上帝妙無垠悉由金闕化身幸際天人慶會蕩魔除厄難則見六合清靜四海永安寧感神明都只在至誠心天尊大聖天尊

大明御製玄教樂章

太上三洞表文

通天救苦朱表

澄二

具位 誠惶誠恐稽首頓首再拜

上言 塵土微賤草茅賤質偶緣宿慶叨沐恩光佩錄進階傳經受道希夷莫悟愚鈍自將過有淵陵功无錄來由承涵育未賜誅夷濟物度人上酬獎遇 謹據 謹言

切慮泉曲罪孽三官九署鐵圍無間積

夜重陰竊考罪魂終天莫釋自非歸神蒼極請命青華普軫慈惠寫由出離來朝玄陞受錄更生庸是不揆斐愚謹為拜表一通上聞青宮伏望慧力矜憐感神垂軫特降青玄妙炁百寶光明披朗重陰開明長夜天上天下無不照耀即使亡過差超凌幽暗證妙虛無釋罪原情飛登金闕 謹

為上請青玄救苦童子救苦玉女九龍符命使者上詣東極長樂宮 陛下請降東華九龍符命告下十方無極神鄉冥路幽關應子考禁去處為亡 疾除罪簿落滅惡根卸衛形魂應時解脫又為上請青玄

黃籙破獄靈官破獄主吏持符神吏命符
 飛龍驛吏一合下降勒破幽牢請命冥吏
 即使火山息談米池靜波劍變寒林刀化
 玉樹地獄摧毀鐵城開宮放遣亡靈出離
 苦惱來親壇陞觀見光明又為上請太乙
 真光引魂仙吏赤光三炁化魂靈官六道
 尋魂使者夜光名魂判吏急速飛雲靈官
 一合下降追攝亡過某真魂正魄克返陽
 居沐浴更衣朝真受食又為上請朱陵火
 府南昌上官鍊度真司黃華玉女童子水
 火將軍一合下降專為亡過某蕩滌塵穢
 陶冶業氛表裏洞明形神清淨又為上請
 通和玄靈玉女左右崇正靈官領魂錄功
 飛雲正吏王清察符仙吏飛雲通游移籍
 靈官一合下降持為亡過某詳辨監察保
 舉合生紀錄善功領魂超遷移剋鬼籍注
 入仙曹永為種民無有輪轉又為上請仙
 魂道速快樂自然清淨仙吏專度曲度太
 玄靈官玉女功曹主簿大神引領亡過某
 度上太一女生之府朝謁蓮座游宴妙嚴

身生玉光衣食自在更冀祥煙塞死慶雲
 開生五苦三塗均證無為之果四生六道
 疾趨有漏之鄉率土普天咸霑利益恩惟
 慈造願察翹頌愚謹因青玄玉女青玄
 功曹四直玉文功曹運神會道功曹十方
 飛天使者各一人出操為某拜上通天
 救苦朱表一通上詣東極門下伏願天恩
 告報誠惶誠恐稽首頓首再拜以聞
 姓某屬某州縣某官觀靖焚修
 東極天中長樂宮內大慈仁者尋聲赴感太
 一救苦天尊玉陛下
 大歲年 月 日於某處拜上
 東極表
 具位某誠惶誠恐稽首頓首再拜
 上言今月某日為修齋弟子某崇建青玄
 救苦妙齋幾晝夜開度亡過某靈魂謹具
 表奏陳若伏以赤明開闢愛日周流於六
 合青玄御運祥煙鬱勃於九幽昭回白玉
 之光洞煥紫金之相尋聲赴感應念垂慈
 惟拔領以无方故皈依而有請誠惶誠

恐稽首頓首伏念亡過某靈魂留連世網
 涉歷塵機慾海千尋每泛狂瀾而飄蕩愛
 河萬仞莫排濁浪以流吹精神陷溺於一
 朝步武沉淪於九夜銅關繫鐵墨周遭
 寂寂銜哀徒羨求生之有路皇皇茹苦頓
 驚救死之無門自非歸命於青華烏俾神
 趨於黃混恭惟
 東極天中長樂宮內大慈仁者尋聲赴感太
 一救苦天尊玉陛下
 威神徧滿慧力周回七寶寒林洒輝輝之
 甘露九色蓮座敷奕奕之慈雲真光覆徧
 於大千瑞炁咸舒於百億凡居陶冶置藉
 提携伏願聖德昭彰靈威浩蕩勅九司之
 仙吏制地承符宣二府之真曹憲天弘道
 為紀善功於丹簡即銷惡障於玄編庶俾
 亡過某魂眇眇乘晨匆匆離夜絕地獄熱
 惱之苦永斷黑鄴享天堂清淨之歡逕躋
 朱火步武快登於妙有形神疾證於虛无
 目下情無任激切之至謹奉表奏以聞謹
 言

年 月 日 具位_臣姓 表上表

又

具位_臣再拜

上言今月某日為修齋弟子某崇建青玄
救苦妙齋幾晝夜開度亡過某靈魂謹具
表奏陳者伏以青玄開府御雲騰三極之
輝黃籙達官飛霧散八遐之彩慧日昭回
於御御神風赫奕於龍章輒控寸丹仰陳
尺素_臣誠惶誠恐稽首頓首伏念_臣幸乘
景運獲奉昌期弘道憲天仰騫墀而綴武
膺符宣德拱蓮座以承顏既叨化育之恩
敢報裁成之澤恭惟
東極天中長樂宮內大慈仁者尋聲赴感太
一救苦天尊_{王陛下}
妙巖高拱長樂端凝應念垂慈散祥煙於
死戶尋聲赴感洒甘露於生門普使幽沉
咸歸拔領伏願勿離夜眇乘履黑鬚
刊圖消大千之妄暗青華定籍乘太一之
真光永侍紫金高登碧玉_日下情無任激
切之至謹奉表奏以聞謹言

年 月 日 具位_臣姓 表上表

破獄表

具位_臣再拜

上言今月某日為修齋弟子某崇建青玄
救苦妙齋幾晝夜開度亡過某靈魂以今
準式破獄召魂者_臣伏以登真度命凝湛
露於青華毀鎖張門散祥煙於黑鬱敢扣
慈悲之聖冀敷拔度之仁百拜陳情一忱
請命_臣誠惶誠恐稽首頓首切慮寒庭滯
爽幽壑窮魂鐵壘周遭萬劫受羈維之苦
銅關赫奕千齡膺囚禁之嚴鬼官職憲於
陰陽冥吏司刑於水火匪絲勒破曷伴超
凌恭惟
東極天中長樂宮內大慈仁者尋聲赴感太
一救苦天尊_{王陛下}
應感無方提携有造降感光於百寶披朗
重陰策神杖於五靈洞開積夜願垂淵聽
昭俾俞音如律宣行密契龍符而啓旦依
科摧毀頓令杆室以生春即使亡過某離
夜無憂乘農有喜耀華芒而燁燁九壘煥

明飛靈錫以徘徊三途康泰均提苦趣同
證樂鄉_臣下情無任激切之至謹奉表奏
以聞謹言

年 月 日 具位_臣姓 表上表

青玄言功表

具位_臣再拜

上言今月某日為修齋弟子某就某處崇
建青玄救苦妙齋幾晝夜開度亡過某靈
魂以今解壇謝過為官君將吏言功者_臣
伏以青玄御運敷慧露以流滋黃籙開圖
耀慶雲而飛洒金簡煥龍符之秘瑤圖開
鳳笈之奇三極迴生九垓起死荷光明而
濟下真切酬恩蓋激越以由中勤拳謝過
尚祈淵默曲賜赦原_臣誠惶誠恐稽首頓
首伏念_臣輟緝微材坎蛙陋識莫奉行於
青律徒參贊於玄班未諳俯仰之規威儀
多冒尚昧齋修之典禁戒輕違策役妄名
於真曹關奏濫稱於主職言辭顛倒敢演
金科存念周章濫飛玉篆施為既彰於謬
戾省循恐積於愆尤恪冀慈仁悉從矜宥

恭惟

東極青老君太一救苦天尊玉陛下

道宏三極德邁十華挑獎真靈為計功而行賞扶持職守俾舍垢以匿瑕其有修齋之初上請天仙兵吏地仙兵馬真人兵馬

神人兵馬日月星宿兵馬三河四海兵馬

九宮五帝兵馬三十二天監齋直事侍香

玉童散花玉女三五功曹左右官使者五

帝直符直日香官飛龍騎吏靈寶天仙內

院諸天承受玉女運神會道功曹青玄黃

籙左右真司仙靈官吏九天普度院仙官

將吏玄壇開度混元司解結司監生司天

醫司濟濯司中司攝化司諸部承宣官

吏本靖侍靖仙官玉童玉女主副官將

護道監壇主壇諸省府院司功職

宣勞官君將吏監臨翊衛廟神本州

城隍司本縣城隍司鄉里里域真官

土地正神三界符使四直功曹齋家土地

司命六神在壇守職備著勤勞並各顯服

嚴裝隨所進表文上詣玄都列受功賞

敢不銘心精進潔已操修期毋負於生

成庸悵張於化育運元契道倘成東華合

景之功領教學真願佐南丹受書之化

無任激切感戴之至謹奉表奏以聞謹言

年 月 日具位 姓 上表

請水火表

具位 再拜

上言今月 日為齋法弟子 崇建 齋

幾晝夜開度亡過 靈魂上生仙界以今

請降水火鍊度者 伏以乾坤定位敦祖

悉以胎回窟坎分精極靈功而化育五文

開廓萬品裁成欲施九鍊之神輝靈藉二

儀之聖運 誠惶誠恐稽首頓首切慮亡

過 靈魂劫塵結習業垢交周返九炁之

生根期還本始藉五形之死蒂莫契虛無

非陶冶以高躋肯超凌而直上方諸耀彩

挹東井之黃華陽燧凝芒瀉南丹之朱火

匪絲鑿映執佐宣揚恭惟

太上無形無名虛無自然至真大道無上元

尊金闕玉陛下

道並陰陽德包覆載願頒勅命降五龍結

璘之英載役神真布九風鬱儀之化俾迴

骸而起死庶監真以度生九遍成人悉悉

返生神之妙十回度品神神胎委悉之玄

離夜朝元乘辰御景 無任激切望恩之

至謹奉表陳啓以聞 誠惶誠恐稽首頓

首謹言

年 月 日具位 姓 上表

大道表

具位 再拜

上言今月 日奉為修齋弟子 崇建 齋

齋幾晝夜開度亡過 靈魂以今具表奏

聞者 伏以扣九關而昭事雲鶴清微崇

八陛以對揚風清黑鬱微三極無私之慧

溥十華有造之恩雨露涵濡日星朗煥啟

版依於楓御庸傾倒於葵哀洛莫高明洞

垂昭鑒 誠惶誠恐稽首頓首切念亡過

靈魂克機織性罪網縈心三惑不除墮

迷途而顛倒四維莫守趨邪徑以回旋罪

花累紀於北鄩愆業積善於東岱茫茫夜

登溲水火以驚心寂寂寒庭望陰陽而喪
膽寒崇懺謝幸建修齋自非上聖之海涵
曷伴下愚之春育恭惟

太上無形無名虛無自然至真大道無上元
尊金闕玉陛下

巍巍莫極滂蕩難名疑妙有以垂精化敷
九地孕虛無而毓粹政傳三天誕於苦惱
之哀廣錫慈悲之惠伏願靈光不夜祖炁
長春初勒玄曹削簡書之究對嘯命丹局
消錄籍之愆尤即伴亡過其靈魂離夜懼

欣乘晨快樂超凌三界無拘留逼合之憂
初制九局有侍衛送迎之喜其敢不仰依
化日期暢玄風登碧玉以敷心勉承鳳渥
觀紫金而拜手永沐龍恩下情無任激
切之至謹奉表陳啓以聞誠惶誠恐稽
首頓首謹言

年 月 日具位 姓 上表

血湖表

具位 再拜

上言今月某日為齋主某崇建某齋幾晷

夜間度亡過其靈魂上生仙界切見本人
因產隕生形神腥穢惟憑聖造曲為蕩除
庶俾氣象周圓管衛平復謹具表奏聞者
伏以生生大德夙欽惠下之仁翼翼小
心爰露由中之懇黑鬱期超於地禁玄虛

嘉被於天光再拜陳情一忱請命誠惶
誠恐稽首頓首伏念偶緣宿慶獲際昌
期弘道憲天幾對揚於龍御承符宣德誓
流演於鴻禧重念亡過其靈魂托質女流
謀身世諱中迷愛網易彫土樹之方外涉
塵機遂淖金花之粹九夜沉淪於苦海一
朝陷溺於血湖獄吏權尊轉眼陰陽之考
冥官威重驚心水火之羈自非大需於宸
恩曷克迴躋於陽化恭惟

太上無形無名虛無自然至真大道無上元
尊金闕玉陛下
道包覆載德契幽明仁風鼓舞於八遐群
靈樂意化雨涵濡於九壑億萬歡頌莫終
激切之衷嘉沐駢蕃之澤伏願肆頒禱教
曲降鸞書飛三炁以流光乘展有望燭十

年 月 日具位 姓 上表

血湖表

具位 再拜

上言今月某日為齋主某崇建某齋幾晷

華而破暗離夜不幽即伴亡過其靈魂垢
穢澄清身心快樂未陵度命解萬罪以清
爽黑籍銷名散千冤而和合精神玉潔步
武春融無任激切懇祈之至謹奉表陳
啓以聞誠惶誠恐稽首頓首謹言

六幕啓表
女師表
具位 再拜
上言今月某日為齋法弟子某人崇建某
齋若干晷夜開度其開度亡過其靈魂仰
祈天澤克證生方祈禱云為某事仰祈天
澤保佑平安以今宿啓告齋者伏以教
出始青煥靈光於五劫道敷碧落流祖炁
於八遐孰扶耆律之崇重賴師垣之貴教
依聖造轉控愚衷誠惶誠恐稽首頓首
伏念緣藉慶基生逢昌運雌雄疑妙杖
混景於東諸經緯融玄莫策真於西禁胃
領瑤壇而奏對懼書玉簡以凌兢寶藉高
明曲垂提軫恭惟

年 月 日具位 姓 上表

血湖表

具位 再拜

上言今月某日為齋主某崇建某齋幾晷

玄中大法師真君聖前

稟精妙有毓粹太無綱紀十華播靈風而化育主張三洞流慧日以生成願運淵慈俯迂麗馭頒符定令俾參贊於天常宣化承流庶裁成於地澤國成齋福流演宸恩

無任激切懇祈之至謹奉表陳啓以聞
誠惶誠恐稽首頓首謹言

天師表

具位 某再拜

上言今月某日為齋法弟子某崇建某齋若干晝夜開度云開度亡過某靈魂仰祈天澤克證生方祈禱云為某事仰祈天澤保佑平安以今宿啓告齋者伏以龍漢開圖播函三之聖化鶴鳴啓運宏得一之神功誠惶誠恐稽首頓首伏念緣藉慶基生逢昌運雌雄疑妙徒混景於東諸經緯融玄莫策真於西禁冒領瑤壇而奏對懼書玉簡以凌兢竄藉高明由垂從軫恭惟

三天大法師真君聖前

稟資道粹分氣魁靈祖日輝明耀蜀西而立教宗風鼓舞鎮江右以流芳願運淵慈俯迂麗馭馭萬真受事奔驛馬於玄虛十極蒙休控飛龍於黃混無任激切懇祈之至謹奉表陳啓以聞誠惶誠恐稽首頓首謹言

監齋表
年 月 日具位 姓 上表

具位 某再拜

上言今月某日為齋法弟子某崇建某齋若干晝夜開度云開度亡過某靈魂仰祈天澤克證生方祈禱云為某事仰祈天澤保佑平安以今宿啓告齋者伏以太赤金科澤八絃而騰景女青玉律翊三洞以流光誠惶誠恐稽首頓首伏念緣藉慶基生逢昌運雌雄疑妙徒混景於東諸經緯融玄莫策真於西禁冒領瑤壇而奏對懼書玉簡以凌兢竄藉高明由垂從軫恭惟

靈寶領仙監齋大法師真君聖前

希夷養素微妙融真典領列曹布靈威於霜簡監臨庶職扶聖化於雲臺願運淵慈俯迂麗馭格尊俯仰拱龍陞以論思品列威儀爾駕班而董正無任激切懇祈之至謹奉表陳啓以聞誠惶誠恐稽首頓首謹言

五帝表
年 月 日具位 姓 上表

具位 某再拜

上言今月某日為齋法弟子某崇建某齋若干晝夜開度云開度亡過某靈魂仰祈天澤克證生方祈禱云為某事仰祈天澤保佑平安以今宿啓告齋者伏以道覆十華仰雲蒸於玄紀教敷八極期雨施於洪釐執扶齋律之崇竄賴帝垣之貴敢依聖造輒控愚衷誠惶誠恐稽首頓首伏念緣藉慶基生逢昌運雌雄疑妙徒混景於東諸經緯融玄莫策真於西禁冒領瑤壇而奏對懼書玉簡以凌兢竄藉高明

曲垂提軫恭惟

青靈始老九炁天君
丹靈真老三炁天君
皓靈皇老七炁天君
五靈玄老五炁天君

元靈元老一炁天君聖前

德均天地權並陰陽輔極功成讚赤書於
一炁司方位定羅紫簡於五靈願運淵慈
俯迂颺馭風清獅座董萬聖以宣慈日進
駕班育群生而布澤無任激切懇祈之
至謹奉表陳啓以聞誠惶誠恐稽首頓
首謹言

年 月 日 具位姓 上表
三官表
具位再拜

上言今月某日為齋法弟子某崇建某齋
若干晝夜開度開度亡過某靈魂仰祈
天澤克證生方祈禱為某事仰祈天澤
保佑平安以今宿啓告齋者伏以道運
紫微提玄雲於混洞教宏皇極流惠露於

曲垂提軫恭惟

洪濛孰扶齋律之崇靈賴帝垣之貴敢依
聖造輒控愚衷誠惶誠恐稽首頓首伏
念緣藉慶基生逢昌運唯雄疑妙徒混
景於東諸經緯融玄莫策真於西禁冒領
瑤壇而奏對懼書玉簡以凌兢賈藉高明

上元賜福天官耀靈元陽大帝

中元赦罪地官洞靈清虛大帝聖前

下元解厄水官金靈洞陰大帝聖前

幹旋萬有掌握三元天地神人列丹圖而
校錄陰陽水火定黑簡以推研願運慈淵
俯迂颺馭紀綱六職示憲網於雷霆主宰
千靈鼓化機於雨露無任激切懇祈之
至謹奉表陳啓以聞誠惶誠恐稽首頓
首謹言

年 月 日 具位姓 上表
三師表
具位再拜

上言今月某日為齋法弟子某崇建某齋
若干晝夜開度開度亡過某靈魂仰祈

天澤克證生方祈禱為某事仰祈天澤
保佑平安以今宿啓告齋者伏以運啓
清微鼓神風於碧落教敷蒼極流化雨於
黃壤孰扶齋律之崇靈賴師垣之貴敢依
聖造輒控愚衷誠惶誠恐稽首頓首伏

舍緣藉慶基生逢昌運唯雄疑妙徒混

景於東諸經緯融玄莫策真於西禁冒領

瑤壇而奏對懼書玉簡以凌兢賈藉高明

曲垂提軫恭惟

靈寶經師君

靈寶籍師君

靈寶度師君聖前

德符東妙道契四玄身負宗乘紹前修而
毓秀手提祖印開後覺以流芳願運淵慈
俯迂颺馭對揚八陞通丹悃於圓宮膏沐

群靈扶玄科於方域無任激切懇祈之
至謹奉表陳啓以聞誠惶誠恐稽首頓
首謹言

年 月 日 具位姓 上表
謝六幕表

玄師表

具位 臣 某 再拜

上言今月某日為修齋法弟子某崇建某齋若干晝夜開度云開度亡過某靈魂仰祈天澤克證生方祈禱云為某事仰祈天澤保佑平安以令解壇散齋者伏以日近清光獲承顏於龍御天開道運欣繼武於駕班幸圖齋律之嚴端藉師垣之重朝儀既罄野悃重敷臣誠惶誠恐稽首頓首伏念日誤紹玄宗濫承宏化科崇存念莫神運於玄壇經備威儀曷心修於丹笈冒領對揚之首職懼貽校錄之深文仰冀慈悲俯垂援拯恭惟

三天化主玄中大法師聖前

上善若水威德如天含垢匿瑕曲提携於班著論功行賞普酬獎於真靈諒遠瓊與亟旋瑤闕鬱葱紫氣已流洪澤於圓虛赫奕靈光即沐玄釐於方壞神功顯著聖教流通無任激切感戴之至謹奉表陳謝以聞臣誠惶誠恐稽首頓首謹言

年 月

日具位 臣 姓

某上表

天師表

具位 臣 某 再拜

上言今月某日為修齋法弟子某崇建某齋若干晝夜開度云開度亡過某靈魂仰祈天澤克證生方祈禱云為某事仰祈天澤保佑平安以令解壇散齋者伏以蒼壁據誠幸依光於聖日玄宗錫慶誕流景於真風幸圖齋律之嚴端藉師垣之重朝儀既罄野悃重敷臣誠惶誠恐稽首頓首伏念日誤紹玄宗濫承宏化科崇存念莫神運於玄壇經備威儀曷心修於丹笈冒領對揚之首職懼貽校錄之深文仰冀慈悲俯垂援拯恭惟

三天大法師真君聖前

大鈞有造小物不遺典格昭明校千真而論賞憲章赫奕原列職以除愆諒遠瓊與亟旋瑤闕霽煙羅絡普疏瓊澤於人間絲霧網緼永振琅音於天上無任激切感戴之至謹奉表陳謝以聞臣誠惶誠恐稽首頓首謹言

首頓首謹言

年 月

日具位 臣 姓

監齋表

具位 臣 某 再拜

上言今月某日為修齋法弟子某崇建某齋若干晝夜開度云開度亡過某靈魂仰祈天澤克證生方祈禱云為某事仰祈天澤保佑平安以令解壇散齋者伏以雲歛九關羅清班而奏對霞明八極敷洪澤以告成幸圖齋律之嚴端藉師垣之重朝儀既罄野悃重敷臣誠惶誠恐稽首頓首伏念日誤紹玄宗濫承宏化科崇存念莫神運於玄壇經備威儀曷心修於丹笈冒領對揚之首職懼貽校錄之深文仰冀慈悲俯垂援拯恭惟

靈寶領仙監齋大法師真君聖前

小喜必錄大德有容校績丹書提神真於碧落滌瑕白簡扶班著於黃城諒遠瓊與亟旋瑤闕高天厚地均凝惠露以流輝陽生陰成普散祥煙而耀景無任激切感戴之至謹奉表陳謝以聞臣誠惶誠恐稽首頓首謹言

戴之至謹奉表陳謝以聞日誠惶誠恐稽
首頓首謹言

年 月 日具位日姓 奉上表

五帝表

具位日再拜

上言今月日為修齋弟子崇建齋
若干晝夜開度亡過靈魂仰祈
天澤克證生方祈禱云為事仰祈天澤
保佑平安以令解壇散齋者伏以日映
瑤林仰龍鸞而在御雲龍璇階蕭駕鸞以

超班幸國齊律之嚴端藉帝垣之重日誠
惶誠恐稽首頓首伏念日誤紹玄宗濫承
宏化科崇存念莫神運於玄壇經備威儀
曷心修於丹笈冒領對揚之首職懼貽校
錄之深文仰冀慈悲俯垂拯援恭惟

青靈始老九炁天君
丹靈真老三炁天君
皓靈皇老七炁天君
五靈玄老五炁天君
元靈元老一炁天君 聖前

德容照夜和氣開春列職承流削愆尤於
丹籍萬真受事者勳績於玄圖諒返瓊與
巫旋瑞闕天光煥映即流教雨以涵濡地
禁開明廣播玄風而浩蕩日無任激切感
戴之至謹奉表陳謝以聞日誠惶誠恐稽
首頓首謹言

首頓首謹言

年 月 日具位日姓 奉上表

三官表

具位日再拜

上言今月日為修齋法弟子崇建齋
若干晝夜開度亡過靈魂仰
祈天澤克證生方祈禱云為事祈保平
安以令解壇散齋者伏以紫禁雲生通
金闕而肆觀玄班雨集遵玉簡以宣揚幸
圓齊律之嚴端藉帝垣之重日誠惶誠恐
稽首頓首伏念日誤紹玄宗濫承宏化科
崇存念莫神運於玄壇經備威儀曷心修
於丹笈冒領對揚之首職懼貽校錄之深
文仰冀慈悲俯垂拯援恭惟
上元賜福天官耀靈元陽上帝

中元赦罪地官洞靈清虛大帝
下元解厄水官金靈洞陰大帝 聖前
視人春育應物淵涵削過簡書曲扶持於
列職授勳典格晉昇陟於千真諒返瓊與
巫旋瑞闕道非常道矜萬類以提携玄之

又玄澤十方而遍滿日無任激切感戴之
至謹奉表陳謝以聞日誠惶誠恐稽首頓
首謹言

年 月 日具位日姓 奉上表

三師表

具位日再拜

上言今月日為修齋法弟子崇建齋
若干晝夜開度亡過靈魂上
生福景祈禱云為事祈保平安以令解
壇散齋者伏以道應紫陽蕭蕭玄班而讚
化政敷黃混羅葉簡以疏恩幸國齊律之
嚴端藉師垣之重日誠惶誠恐稽首頓首
伏念日誤紹玄宗濫承宏化科崇存念莫
神運於玄壇經備威儀曷心修於丹笈冒
領對揚之首職懼貽校錄之深文仰冀慈

悲俯垂接拯恭惟

靈寶經師君

靈寶籍師君

靈寶度師君 聖前

水衡有準冰盤無私酬發真靈登助庸於

青簡扶持班著削過累於玄編諒返瓊輿

巫旋瑤闕萬天萬地均陶玄極之仁思一

陰一陽共固洪鈞之惠澤無任激切感

戴之至謹奉表陳謝以聞誠惶誠恐稽

首頓首謹言

年 月 日 具位 姓 表

捲簾通真表

具法位小兆 誠惶誠恐稽首頓首再拜

上言 伏以百千萬重道炁玉相凝輝三

十六部尊經金真演教仰絳闕龍鸞之御

肅玄壇鸞鷲之班敢效汗青首數素素

誠惶誠恐稽首頓首 昨據齋法弟子

乞就某處崇建某齋若干晝夜開度云開

度亡過某靈魂仰祈天澤克證生方祈禱

為某事仰祈天澤保佑平安職惟領

教理難押違恭按玄科次第修奉伏念

夙依化日聖傳真風領袖群工期催朝於

禁路紀綱三洞誓演秘於瓊囊上昭煥以

幹天章下承宣而熙帝載羅敷八陞法象

九重惟三華劫仞之臺玲瓏紫霧仰七寶

家陽之闕縹緲紅雲非違玉勅以階昇焉

通金闕而几奏恭惟

太上無形無名虛無自然至真大道無上元

尊金闕 神功不宰聖化無方碧落空歌耀五文而

恢廓紫虛鬱秀分三景以開明高拱彌高

上極無上頽曲張於鳳屐許直造於蟠均

會慶風雲十極拱靈光之耀惠昭雨露八

遙承祖炁之輝遐邇蒙恩幽明被澤期周

流於劫石永翊戴於玄元無任瞻天望

聖激切屏營之至謹奉表陳啓以聞誠

惶誠恐稽首頓首再拜謹言

年 月 日 具位 姓 表

太上三洞表文

太上三洞表文

破鄴都開業道章

具位 某誠惶誠恐稽首頓首再拜

上言 樛櫟散材蓬茅賤質幸緣宿慶濫

綴真班功無絲粟之圖過有湖陵之積曲

蒙誼貸未賜誅夷誓勉操脩庸期報稱既

承投告敢不闕聞謹據奉意切惟三

官九署北都羅鄴六洞十宮冥闕幽夜水

火考對生死拘維茹苦終天千齡展轉雖

衆生之妄業自受而上玄之仁澤堪矜非

賴救原昌錄起邁謹為拜章一通上聞

三天伏望慈悲曲垂矜憫特降玉清道炁

靈寶妙光煥朗十方開明九堂即俾亡故

某人暨九玄七祖億劫種親六道四生諸

類幽爽灌沐妙炁頓悟良心宿劫冤愆應

時解散謹為上請十方飛天使者十方

救苦玉童玉女上詣

三天金闕玉陛下請降元始符命金籙白

簡救苦真符告下十方三界無極神鄉天

地水官陰陽羅錄三官九府百二十曹北

表文

1974.12.21-5